

## **Universitätsbibliothek Paderborn**

### **Theologia Moralis Universa**

Ad Mentem Præcipuorum Theologorum & Canonistarum, insertis suo loco  
Propositionibus à S. Sede Apostolica novissimè damnatis concinnata. Et  
Per Casus Practicos exposita

Complectens LXXV. Casus Materiam de Conscientia, Legibus, Peccatis,  
Fide, Spe, Charitate, Jure, Justitia, Restitutione, Contractibus, Judiciis &  
Religione &c.

**Jansen, Leonhard**

**Coloniæ Agrippinæ, 1744**

Casus XXXV. De Bello & Duello.

**urn:nbn:de:hbz:466:1-39867**

homines meritò deterreterentur à ferenda sententia & testimonio etiam justo, quod non tener de occisione furis privati. Ad 5. Ordo charitatis tunc ad summum exigit vitam proximi præponi, si proximus sit in gravi vel extrema necessitate, in quali non est iniquus invasor; Resolutio Casus satis constat ex præmissis, ea reperere superfluum duco.

## C A S U S   X X X V .

## De Bello &amp; Duello.

**P**YRRHUS Princeps interrogat ex Confiliariis, 1. Qualiter liceat bellum offensivum? 2. Quid si causa bellandi sit dubia, vel solum probabilis, aut ad sit odium, vana gloria? 3. An in belli socios vocari possint infideles. 4. An quis militare possit in bello injusto vel sub Principe Acatholico. 5. Quid in dubio. 6. An fides & pacta servanda hostibus infidelibus vel Hereticis, num in his Papa dispensare possit. 7. An liceat duellum ad propulsandam notam infamiae. 8. An ad terminandam litem. 9. Ad finiendum bellum. 10. An saltē liceat in loco condicō comparere ex gravi metu, vel cūm scitur pugnam esse impediendam. 11. Quas poenias incurvant Principes duella permittentes, duellantes, cooperantes, spectantes, Clerici. 12. Quid de privatione sepulture. 13. An haec poena incurvantur ipso facto, & ab iis absolvere possint regulares. 14. Quibus casibus ista poena non incurvantur? Pro resolut.

1. QUÆR. I. Quid & quotuplex sit bellum?  
2. Bellum est pugna multitudinis contra mul-

multitudinem extraneam ; differt à seditione, quæ est concitatio civium ad pugnam ; à rixa, quæ est pugna paucorum ; à duello, quod est pugna singularis ex condicto. Est autem bellum duplex, defensivum unum, offensivum alterum ; defensivum est, quando vis iniqua repelitur, & hoc cuvis privatâ authoritate licitum est, defensio enim est juris naturalis, cum hac tamen disparitate, quod privatus non possit plū facere, quam præcisè opus est ad propulsandam vim iniquam ; potestas autem publica potest ultra procedere scilicet in vindictam illicitæ injuriæ ad bellum offensivum, id est tale, quo vis infertur. Utrumque bellum tamquam defensivum aliquando licitum esse, est de fide contra Manichæos & Anabaptistas, quos secuti sunt Cornelius Agrippa & Erasmus interdicentes bella Christianis maximè contra Christianos propter illud Matt. 26. *Omnis, qui acceperint gladium, gladio peribunt*, sed textus loquitur de privata vindicta, non de bello ; constatque ex innumeris Sacrae Scripturæ locis, Dei iussu, consilio & auxilio bella gesta fuisse. Et quamvis Alexander III. c. 1. *De Treuga & Pace* graviter prohibuerit bellum tempore Adventus & quadragesimæ, tamen prohibitio illa non est usu recepta, vel jam est consuetudine abolita ; Imò etiam die festo licitum esse pugnare, si postulet necessitas vel notabilis utilitas, docet *Dicast.* & alii apud *La Croix* hic, maximè cum videatur esse opus non servile. Ut verò bellum offensivum justum & absolutè licitum sit (*defensivum* per se loquendo de jure naturæ semper licitum est) requirit sequentes conditiones.

i. Ut

1. Ut geratur à Principe vel Magistratu Superiori non agnoscente *S. Th. 2.2. q. 40. a. 1.* Ratio est, quod Superiori non habens, ipse met de injuria illata cognoscere, judicare & justo modo vindicare possit, qui autem Superiori habet, potest & debet eum implorare.
- 2dō: Requiritur, ut fiat ex justa causa v. g. ad recuperanda injustè ablata, ad restituendam pacem & securitatem publicam, ad subjugandos rebelles. In dubio, an subsit justa belligrandi causa, Princeps, Consiliarius, omnesque cooperatores peccant gravissimè bellum inferendo cum obligatione compensandi omnia damna inde exorta: tenetur ergo habere judicium saltem practicè & moraliter certum de iustitia belli *Sporer c. 2. n. 99.* Si pro utraque parte fiet æqualis probabilitas & simul pro una possessio, illa bello impeti non potest, sicut non potest condemnari à judice.
- 3tio: Ut non fiat ex odio, vana gloria, aut privata vindicta, sed amore boni communis; defectu tamen hujus conditionis, dummodo aliunde adsit justa bellandi causa, non erit obligatio restitutionis:
3. Sed quid si Princeps Catholicus in belli socios vocaret vel etiam juvaret infideles? Rg. Id ex natura sua non esse malum, præsertim si bellum geratur contra alios infideles, ordinariè tamen non licet Principi Christiano uti auxilio infidelium contra Christianos ob gravissima scandala & mala inde oriri solita, eò quod nec fœdera servent, nec personis, locis aut Reliquiis Sacris honorem deferant, omnia profanent, infantes ad seducendum abripiant. *Sylvius. Rodriq. Regin. L. 21. n. 100.* Ex dictis.

Infe-

Inferes seqq. 1. In bello evidenter injusto 4.  
nemo militare potest, ut per se patet; quare  
gravissimè peccant, qui in bello religionis assi-  
stunt Principi Acatholico vel infideli; ejusmodi  
enim bellum, cum tendat in destructionem Ec-  
clesiæ & propagationem infidelitatis, justum  
esse non potest; si Princeps Acatholicus contra  
Catholicum gerat bellum justum, per se lo-  
quendo non est illicitum sub illo militare, dum  
modo absit periculum persionis, scandali &  
sacrilegii.

2. Si dubium sit de justitia belli, subditi & 5.  
milites antecedenter inscripti possunt & tenen-  
tur Principi bellum imperanti obedire, *Gloss. in*  
*C. quid culpatis 23. q. 1.* quia possessio est pro  
authoritate Superioris, idque exigit bonum  
commune. Aliud est de extraneis, qui non vi-  
dentur militiam amplecti posse, nisi sit gravis &  
fundata præsumptio pro ejus justitia; cum enim  
Principi non sint subjecti, sponte & sine causa  
exponerent se periculo gravissimæ injuriæ infe-  
rendæ; si pro utraque parte sint motiva gravia,  
posset quis pro parte, pro qua volet, militare,  
*Dian. p. 4. T. 4. R. 32.* Vid. *Grotium L. 2. C. 1.*  
modò habeat justam causam militiam sub alter-  
utra parte amplectendi, alias debet abstinere,  
cum enim non constet moraliter certò de justitia  
belli, sine causa suam & aliorum vitam exponit  
periculo.

3. Fides & pacta hostibus etiam infidelibus 6.  
vel Hæreticis servanda sunt, etsi forsitan bello  
injusto sint extorta; nam id exigit securitas so-  
cietatis humanæ, ne pacta temerè rupta gra-  
viores post se turbationes trahant, neque in his  
Papa dispensare potest, nisi cedant in grave  
præ-

præjudicium religionis vel fidei Catholicae.

7. QUÆR. II. Quid circa duellum?

R. Seqq. 1. Duellum, græcè monomachia est duorum vel etiam plurium certamen, uno indicente, altero acceptante; est peccatum gravissimum & duplex homicidium, dum vitam proximi injustè aggreditur, & suam periculo exponit.

2. Non est licitum ex odio vel vindicta, ut per se clarum est, neque ad ostentationem virium, aut ad propulsandam notam ignaviae, ut patet ex propos. 2. ab Alex. VIII. damnata: *Vir equestris ad duellum provocatus potest illud acceptare, ne timiditatis notam apud alios incurat.* Ratio est: quod illa nota consistat in mera apprehensione imprudentum, & evitari possit, si provocatus dicat: ego tuâ condicione opus non habeo, hoc gladio paratus sum omni loco & tempore contra quemvis aggressorem me defendere: aliud est de fuga in actuali aggressione, quæ homini nobili vel militari ex natura rei omnium hominum iudicio ignominiosa ducitur; duellum autem recusans non censetur fugere, sed legem Dei & naturæ observare.

3. Neque licet authoritate Judicis ad indagandam veritatem vel justitiam causæ, ad terminandam litem vel purgandam suspicionem criminis, quia est medium fallax & superstitiosum ad illum finem; frequenter enim contingit innocentem succumbere, & hoc modo expectare à Deo ostensionem veritatis vel innocentiae, est formalis Dei tentatio. C. 1. & 2. de purgat. vulgari. S. Th. q. 95. a. 8. Laym. Metzg. Dicast. n. 213.

4. Probabilius licet offerre & acceptare duelum,

lum, si id necessarium sit ad infringendas hostium vires vel animos, vel ad finem belli victoriāmque faciliūs consequendam. Exemplum habetur Lib. 1. Reg. 17. de David & Goliath: similiter, si Judex duos ad mortem condemnatos jubeat congregari, quia tunc alter alterius Minister justitiae constituitur; et si Judex peccet, si id faciat ad solam suam & spectantium oblectationem.

5. Si inimicus dicat: auferam rem tuam, vel occidam te, nisi cras in isto loco mecum congregaris; non licet congregari, potes tamen te defendere etiam occidendo, si impetraris: & quamvis *Less. Laym. Sporer* non improbabiliter excusent virum nobilem in aula vel militarem in castris, qui provocatus se silit meræ defensionis gratiā, ne alioqui ob suspicionem ignaviæ dignitate, officio vel favore Principis vel Ducis privatūr, eò quod per provocationem fiat actualis aggressio non tantum honoris, sed & officii ac dignitatis, quæ inter temporalia magni momenti reputantur; verius tamen est, id non licere, et si permisum sit dicere: *Hoc ense me defendam, ubi cunque me aggressus fueris, exire autem ad locum condicium non est hominis Christiani.* Dices: exire ad locum condicium est actio indifferens, ergo licita erit saltem ex tam gravi causa. *R. N. Ass.* Exire ad locum condicium in his circumstantiis, non est actio indifferens, sed realis duelli acceptatio.

6. Alii excusant eos, qui provocant vel acceptant duellum, quando certi sunt non secuturam pugnam vel impedientam absque periculo gravis incommodi, sed id plerumque est scandalosum, & in praxi periculosum.

A a

QUÆR.

R. D. Jansen Theol. Moral. Tom. I.

II. QUÆR. III. Quid circa pœnas duellantium?

R. Seqq. 1. *Trid. Seff. 2. 5. C. 19. de reform.*  
excommunicat Imperatores, Reges, Principes,  
&c, qui in suis territoriis concedunt locum ad ex-  
ercendam monomachiam, & eosdem locis vel  
castris, in quibus duella permittuntur, privat, si  
ea ab Ecclesia obtinuerint, & si feuda fuerint, sta-  
tim redeunt ad Dominum.

2. *dd.*: Eandem excommunicationem perpe-  
tuamque infamiam incurunt, & ut homicidæ  
puniri jubentur duellantes, & eorum patroni.

3. Hæc excommunicatione extenditur ad om-  
nes consilium, operam vel favorem præstan-  
tes, litteras provocatorias scribentes, scienter  
deferentes, arma ministrantes, etiam non secu-  
tâ pugnâ, ut in terminis habet Bulla Clem.  
VIII. Item ad spectatores, qui palam & stu-  
diosè accedunt, quia tales suâ præsentia cen-  
sentur eos animare; secùs, si ex occulto vel  
obiter & in transitu aspiciant, aut si ex compo-  
sito quidem accesserint, sed pugna in effectu  
non sit secuta; tunc enim reverâ non fuerunt  
spectatores.

4. Clerici duellantes præter excommunicatio-  
nem incurunt privationem omnium beneficio-  
rum & inhabilitatem ad ea imposterum obtainen-  
da; potest tamen in his, nisi homicidium vel mu-  
tilatio secuta fuerit, Episcopus dispensare. *Pyrh.*  
*L. 5. T. 14. n. 5.*

12. 5. Privantur sepulturâ Ecclesiasticâ, qui in  
ipso conflietu decedunt; si duellans moriatur in  
alio loco, vel post intervallum temporis dato  
signo pœnitentiaz, non est privandus sepulturâ;  
quia talis non censetur mortuus in ipso confli-  
etu,

Etū , & pœnalia utpote odiosa strictè sunt interpretanda ; si duellum sit notorium , ipso facto incurritur privatio sepulturæ ; si non sit notorium, requiritur sententia declaratoria ; ideoque tunc res ad Episcopum vel ejus Vicarium defenda est ; etiam si dederit signa pœnitentiæ , ut habet Agenda Colonensis edita anno 1720 . pag. 156 . si Ordinarius longè absit, debet mortuus sepeliri, et si Episcopus crimine ex post publicato possit corpus facere exhumari .

6. Quamvis excommunicatio , suspensio, interdictum , & ex praxi Ecclesiæ etiam privatio sepulturæ incurvantur ipso facto , infamia tamen, privatio beneficiorum & amissio bonorum, cùm privent jure acquisito, requirunt sententiam declaratoriam .

7. Dictam excommunicationem Greg. XIII. & Clem. VIII. extendunt ad duella etiam privata , eāmique reservârunt soli Papæ , Laym. tamen hic c. 5 . n. 4 . dicit , has constitutiones in Germania & partibus septentrionalibus in tanto rigore non esse receptas ; saltem probabilius est cum Bonac. Comit. L. 6 . mor. q. 17 . Regin. t. 2 . L. 21 . n. 83 . Filicet. Pirh. n. 3 . Tamb. de Confess. L. 3 . c. 7 . n. 15 . Sporer n. 112 . Episcopos & mendicantes ac cum iis participantes exceptis Italij extra urbem ( hi enim specialiter excipiuntur apud Maran. in summa Bullarii V. Casus reservatus fol. 119 . ) ab hac excommunicatione , si crimen occultum sit , absolvere posse , sicut possunt ab aliis Casibus Papæ extra Bullam Cœnæ reservatis , ut dicam Cas. 116 . q. 3 . in irregularitate autem secuto homicidio etiam occulto solus Papa dispensare potest .

QUÆR. IV. An semper prædictæ pœnæ incurvantur ?

A a 2

Rz.

14. R. Quamvis omne duellum authoritate privatâ sit illicitum, pœna tamen, quia est strictæ interpretationis, sœpe non incurrit, ut

1mo. Si conflictus fiat armis ineptis ad graviter vulnerandum v. g. pugnis, levi baculo, quia non est certamen grave.

2. Si locus vel tempus non designetur, requiritur enim designatio loci & temporis copulativè, *Dian. p. 3. t. 13. resol. 59.* aut si tantum designetur locus vel tempus in genere v. g. tecum pugnabo, quamprimum mihi extra urbem occurreris.

3. Si subitâ irâ gladios extrahant, aut durante eodem calore iracundiae in alium locum pergent tutius pugnaturi, quia non est propriè duellum sed continuatio prioris rixæ.

4. Consulens non incurrit, si consilium revocavit, quantum potuit, licet secutum sit duellum; *Diana & alii*: si verò consilium non revocavit, incurrit, duello etiam non secuto, quia consilium ratione sui & non tantum ratione effectus prohibetur. Si dicas eo ipso, quo duellum consul, pecco, & pœnas incurro, quia consilium ratione sui prohibetur, & pœna incurrit effectu non secuto, ergo revocatio consilii non potest tollere pœnam, quam jam incurri. R. Eo ipso quo duellum consul, pœnas incurro absolute N. sub conditione, si ante effectum non revocem consilium, quantum possum *Conc.* jura statuunt pœnam excommunicationis in consulentem non absolute & simpliciter, sed sub conditione non revocari consilii.

5. Superior non tantum mandans, sed & permittens, aut pro condigno non puniens insurrit excommunicationem, quia non adhibet media

media necessaria ad extirpandum nocentissimum  
republicae crimen.

6. Ministrans arma amico, qui absque co-  
zquè citò & audacter erat pugnaturus aliis ar-  
mis, tantum ut cum minori periculo pugnet,  
per se loquendo neque peccat, neque poenam  
incurrit, quia non facit, ut amicus duellet;  
sed ut duellet cum minori periculo, in quo ni-  
hil est mali, dummodo non dentur arma con-  
tra pactum duellantium inæqualia; *La Croix L.*  
*3. p. 1. n. 854.* intellige; si duellum impedire  
non possit, alias enim ad hoc obligabitur ex  
charitate.

## C A S U S XXXVI.

### De injuriis in bonis famæ & honoris.

**Q**uerulosa in honore & fama plures laesit irri-  
dendo, subsannando. 1. De personis cognitis  
& incognitis temere suspicando, judicando.  
2. 3. 4. falsa crimina ad tuendum honorem pro-  
prium imponendo, occulta Superioribus vel etiam  
aliis consiliis & solatii causâ aperiendo. 5. Crimi-  
na coram aliis exprobrando. 6. Propria manife-  
stanto. 7. Bona male interpretando, remissè lau-  
dando. 8. Mendaces, fures, superbos, spurios,  
meribulos, &c. nuncupando. 9. De persona in-  
determinate. 10. Dicendo crimen ut auditum.  
11. Coram uno viro gravi, vel coram marito.  
12. Eidem, vel diversis detrahendo in materia  
levi. 13. Detractionibus attendendo, non impe-  
diendo, in vitam inquirendo. 14. Publica in-  
extra locum publicitatis etiam oblitione sepulta

Aa 3 verbo,